







鷺羊

庶物類纂毛屬卷之十四目次

麌羊

一名羚羊本草綱目一名麌羊音鈴同上。一名九尾

羊同上

俗名革貌施施

カモレシ

麝羊

麝大羊

爾雅

麝羊似羊而大角圓銳好在山崖間

晉郭璞爾雅註○麝音零

羊之大者名麝郭云麝羊似羊而大角圓銳好在山崖間陶註本草云今出建平宜都諸蠻中及西域多兩角有一角者爲勝角甚多節蹙蹙圓繞別有山羊角極長唯一邊有節節亦疎大而不入用羌夷云只此名麝羊

宋邢昺疏

麝大羊音靈陶隱居云其角多節蹙蹙圓繞者爲麝

王勿貢集

卷十四

毛屬

麝羊

二

羊角長惟一邊有節節亦疎大者爲山羊按此一羊俱似羊而大在山崖間宋鄭夾 濬爾雅註

羚羊角出石城山谷及華陰山今秦隴龍蜀金商州山中皆有之戎人多捕得來貨其形似羊色青而大其角長一二尺有節如人手指握痕又至堅勁今人藥者皆用此角謹按爾雅云麪與羚同大羊羚音元如羊郭璞注云麪似羊而大角圓銳好在山崖間獮似吳羊而大角角橢出西方許慎注說文解字云麪大羊而細角陶隱居以角多節蹙蹙圓繞者爲羚羊

而角極長惟一邊有節節亦疎大者爲山羊山羊即爾雅所謂羱羊也唐注以一邊有蹙文又疎慢者爲山驥角云時人亦用之又以細如人指長四五寸蹙文細者爲堪用陳藏器云羚羊夜宿以角掛木不著地但取角彎中深銳緊小猶有掛痕者是觀今市貨者與爾雅所謂羱羊陶注所謂山羊唐注所謂山驥大都相似今人相承用之以爲羚羊其細角長四五寸如人指多節蹙蹙圓繞者其間往往彎中有磨角成痕處京師極多詳本草及諸家所出此乃是真羚

羊而世多不用不知其所以然者何也又陳藏器謂真角耳邊聽之集集鳴者良今牛羊諸角但殺之者聽之皆有聲不必專羚角也自死角則無聲矣本草圖經羚羊角今皆取有掛痕者陳藏器取耳邊聽之集集鳴者良亦強出此說未嘗遍試也今將他角附耳皆集集有聲不如有掛痕一說盡矣然多僞爲之不可不察也本草衍義

羚羊似羊而青色毛粗兩角短小羱羊似吳羊兩角長大山驢驢之身而羚之角但稍大而節疎慢耳陶

氏言羚羊有一角者而陳氏非之按寰宇志云安南高石山出羚羊一角極堅能碎金剛石則羚固有一角者矣金剛石出西域狀如紫石英百鍊不消物莫能擊惟羚羊角扣之則自然永泮也又貘骨僞充佛牙物亦不能破用此角擊之卽碎皆相畏耳羚羊皮西人以作座褥本草綱目

麝羊一名羚羊王安石字說云鹿則比類環角向外以自防麝則獨棲懸角樹上以遠害可謂靈也故字從鹿從麝省文後人作羚今出建平宜都及西域諸

巒山中多兩角一角者爲勝角多節蹙蹙圍繞別有山羊其角極長惟一邊有節節亦疏大羌夷謂之羱羊能陟峻險又有山驢大如鹿皮可作靴有兩角陳藏器曰山羊山驢羚羊三種相似而羚羊有神夜宿防患以角掛樹不著地但角彎中深銳緊小有掛痕者爲眞其疎慢無痕者非也又眞角耳邊聽之集集鳴者良蘇頌曰今牛羊諸角但殺之者聽之皆有聲不獨羚羊角也自死角則無聲矣寇宗奭曰諸角附耳皆集集有聲不如有掛痕一說爲盡之然有僞作

者宜察焉○李時珍曰羚羊似羊而青色毛粗兩角短小羱羊似吳羊兩角長大山驢驢之身而羚之角但稍大而節疎慢耳按寰宇志云安南高石山出羚羊一角極堅能碎金剛石石出西域狀如紫石英百鍊不消物莫能擊惟羚羊角扣之則自然冰泮也又貌骨僞克佛牙物亦不能破用此角擊之卽碎物性之相畏如此羚羊皮西北人以爲裘襖朔方冬夫凜冽非此莫能禦明瀕湖李時珍食物本草

貞觀中西域獻胡僧咒術能死生人太宗令於飛騎

中揀壯勇者試之如言而死如言而蘇帝以告太宗
卿傅奕奕曰此邪法也臣聞邪不犯正若使咒臣必
不得行帝召僧咒奕奕對之初無所覺須臾胡僧忽
然自倒若爲所擊者便不復蘇貞觀中有婆羅僧言
得佛齒所擊前無堅物於是士馬奔奏其處如市時
傳奕方臥病聞之謂其子曰是非佛齒吾聞金剛石
至堅物不能敵唯零羊角破之汝可往試之焉胡僧
緘縢甚固求良久乃得見出叩之應手而碎觀者乃
止今理珠玉者皆用云彭城劉餗
隋唐嘉話

玉人攻玉必以邢河之沙其鑄鏤之具必用所謂金
剛鑽者形如鼠糞色青黑如鐵如石相傳產西域諸
國或謂出西鶻國往往得之河北沙磧間鷺鳥海東
青所遺糞中然竟莫知爲何物也蓋天下至堅者莫
如玉古者惟銀鋸力可以切之今此物功用乃與銀
鋸同其堅可知矣貞觀中有婆羅門言得佛齒所擊
無堅物時傳奕方臥病謂其子曰是非佛齒吾聞金
剛右至堅物不能敵惟羚羊角能破汝可往擊之果
應手而碎是知此物自昔亦罕知者矣宋周公謹癸
辛雜識新集

鷹物類纂

卷之十五

麋羊出盧氏坪雅曰麋羊類羊青而大其角長一二尺有節如指極堅勁夜則懸角木上以防患語曰麋羊掛角此之謂也今用之以角有掛痕者良明吳興慎懋官

華夷鳥獸續考

羚羊角有血痕貫頂者生取者也入藥乃佳無血痕者自解死肉也

張太岳先生文集

庶物類纂毛屬卷之十五目次

兔

白兔

兔

一名明眎禮記 一名浚鼻通雅 一名朴握手同上

俗名胡作已

兔

兔子，媿其跡，近絕。有方欣，雅爾。

此辨兔之種類也。崔豹古今註云：兔有九孔論衡曰：兔舐毫而孕，及其生子，從口而出，其子名媿。郭云：俗呼媿，其跡名近。字林云：近，免道也。絕，有方名欣。宋邢昺爾。

疏雅

兔舊不著所出，列土今處處有之，為食品之上味。兔竅乃有六、七穴，子從口出，故妊娠者禁食之。頭骨主頭眩痛，癲疾，腦主凍瘡，肝主目闇，肉補中益氣，然性

冷多食損元氣不可合雞肉食之體及膏並主耳聾毛煎湯洗碗豆瘡毛燒灰主久瘡久不差皮毛及頭並燒灰酒服主難產衣不出必効方療天行嘔吐不下食取臘月兔頭并皮毛燒令煙盡壁破作黑灰擣羅之以飲汁服方寸匕則下食不差更服燒之勿令火耗頻用皆効無比崔亮海上方療消渴羸瘦小便不禁兔骨和大麥苗煮汁服極効又一方用兔一隻剝去皮爪五藏等以水二斗半煎使爛骨肉相離漉出骨肉斟酌五升汁便瀝瀝令冷渴即服之極重

者不過三兔又下有筆頭灰主小便不通及數而難淋瀆陰腫中惡脫肛筆並取年久者燒灰水服之草經圖

按事類合璧云兔大如狸而毛褐形如鼠而尾短耳大而銳上唇缺而無脾長鬚而前足短尻有九孔趺居趨捷善走抵雄豪而孕五月而吐子其大者為彘青綽似兔而大青色首與兔同足與鹿同故字象形或謂兔無雄而中秋望月中顧兔以孕者不經之說也今雄兔有二卯古樂府有雄兔脚撲速雌兔眼迷

離可破其疑矣。主物簿云：孕環之兔懷於左腋，毛有文采至百五十年，環轉於腦，能隱形也。王廷相雅述云：免以潦為鼈，鼈以旱為兔。熒惑不明，則雉生兔。木草

目綱

兔一名明視，言其目不瞬而瞭然也。梵書名為舍迦。蘇頌曰：兔處處有之，為食品之上味。○李時珍曰：兔大如狸而毛褐，形如鼠而尾短，耳大而銳，上唇缺而無脾，長鬚而前足短，尻有九孔，趺居趨捷善走。雄毫而孕五月而吐子，其大者為彘，青綽似兔而大青。

色首與兔同，足與鹿同，或謂兔無雄而中秋望月以孕者，不經之說也。今雄免有二卵，古樂府有雄免脚撲速，雌免眼迷離，可破其疑矣。主物簿云：孕環之兔懷於左腋，毛有文采至百五十年，環轉於腦，能隱形也。王廷相雅述云：免以潦為鼈，鼈以旱為兔。熒惑不明，則雉生兔。明瀕湖李時珍食物本草

免口有缺尻有九孔

晉崔豹中華古今註

宣州以兔毛為褐，亞于錦綺，復有染絲織者，尤妙。故時人以為兔褐真不如假也。唐李肇國史補

王荊公言月中彷彿有物，乃山河影也。至東坡先生亦有正如大圓鏡寫此山河影妄言桂兔墓俗說皆可屏之句。以二先生窮理盡性固當無可議者。然尚有未盡解處。今以半鏡懸照物像則全而見之。月未滿則中之物像亦只半見何也。

宋何薳春
諸紀聞

東坡先生云中秋月明則是秋必多兔。野人或言免無雄者望月而孕。信斯言則木蘭詩云雌免眼迷離雄免腳撲搘何也。先生徑山詩有煖足惟撲搘若雄免有月則徑山正公又非得而煖足也。

同上

謹按太原郭茂倩樂府詩集卷第二十五木蘭詩二首古辭古今樂錄曰木蘭不知名浙江西道觀察使兼御史中丞韋元甫續附入唧唧復唧唧促織何木蘭當戶織不聞機杼聲唯聞女歎息唧唧一作女何所思問女何所憶女亦無所思女亦無所憶昨夜見軍帖可汗大點兵軍書十二卷卷卷有爺名阿爺無大兒木蘭無長兄願為市鞍馬從此替爺征東市買駿馬西市買鞍轡南市買轡頭北市買長鞭旦朝一作辭爺娘去暮宿黃河邊不聞爺娘

嘆女聲，但聞黃河流水鳴。濺濺音辭黃河去，暮至
一作黑山頭。音不聞爺娘嘆女聲，但聞燕山胡騎鳴。
啾啾萬里赴戎機，關山度若飛。朔氣傳金柝，寒光
照鐵衣。將軍百戰死，壯士十年歸。歸來見天子，天
子坐明堂。策勳十二轉，賞賜一作百千彊。可汗問
所欲，木蘭不用尚書郎。一作欲與木蘭願馳千里
足。段成式酉陽雜俎云送兒還故鄉。爺娘聞女來，
出郭相扶將。阿姊聞妹來，當戶理紅妝。小弟聞姊
來，磨刀霍霍向豬羊。開我東閣門，坐我西間牀。脫
我戰時袍，著我舊時裳。當窗理雲鬢，掛一作鏡帖花黃。
出門看火伴，火伴皆一作驚忙。同行十二年，
不知木蘭是女郎。

雄免腳撲朔，雌免眼迷離。雙一作兔傍地走，安能辨我是雄雌？木蘭抱杼嗟，借問
復爲誰。欲聞所懾，感激疆其顏。老父隸兵籍，氣
力日衰耗。豈足萬里行？有子復尚少，胡沙沒馬足。
朔風裂人膚，老父舊羸病。何以疆自扶？木蘭代父
去。秣馬備戎行，易鞍紈綺裳。洗鞍鈔粉妝，馳馬赴
軍幕。慷慨擣干將，朝屯雪山下。暮宿青海傍，夜襲

燕支虜、夏攜于閩羌、將軍得勝歸、士卒還故鄉。父母見木蘭、喜極成悲傷。木蘭能承父母顏、卻御巾、繕理絲簧、皆爲烈士雄。今復嬌子容、親戚持酒賀。父母始知生女、與男同門。前舊軍都十年共崎嶇、本結兄弟交、死戰誓不渝。今也見木蘭、言聲雖是顏貌殊驚愕、不敢前歎重徒嘻。吁世有臣子心、能如木蘭節、忠孝兩不渝。千古之名焉可滅。

岳人以兔爲地神、無敢獵取者。宋范致明岳陽風土記

王右軍嘗嘆江東下溼、免毛不及中山。然唐宋推尊

城自元以來造筆之工、卽屬吳興北地作者不敢望也。吳興自免毫外有鼠毫、羊毫二種、近乃以兔毫爲柱、羊毫輔之、剛柔適宜、名曰巨細、其價直百錢、然行書可用、楷非所宜。明陳留謝肇淛五雜組

免生缺唇、前兩足短、後兩足長、其行必跳、相傳謂免望背而孕、又謂雄兔豪而孕、皆未及驗。周翠渠嘗言知廣德時、取免供丁祭、一隸告予、免尾下糞竅一歲生一竅、因取視之、有二十三竅者、有四五十六七竅者、蓋嫩者竅少、老者竅多也。邵武府志

兔邑山舊無麇兔近始有之

常熟縣志

免舐雄毛而孕生子從口中吐出故埤雅曰免吐也又免為明月之精視月而孕其目无翳故禮稱免為明視而天問曰厥類維何顧免在腹言免在月腹而天下之免望之也其居三窟其毫利為筆

汀州府志

免禮曰明視今閩中間亦有之

八閩通志

免口有缺吐而生子故謂之免

江陰縣志

免藏茆根下小者如拳可掬弄又有山鼠亦類兔峯

間多有俱深褐色以缺脣為別

衡嶽志

朴搘言樸朔也漢呼免為凌鼻○說苑云免名朴搘見古文苑一作朴朔東坡詩寒牕煖足來朴搘古樂府木蘭篇雄免腳樸朔雌免眼迷離大傳膚為辟雞兔為宛脾皆聶而切之古云免吐子望月而孕前輩曰不驗韋絢云巴州免作狸斑乾鑿度注凌鼻免也郝氏曰凌鼻凌與闕通豈以闕唇而遂曰闕鼻乎

清桐山方以智通雅

免一名明視謂目不瞬隨在山林有之其狀如狸而毛褐首形如鼠而尾短耳大而銳上唇缺而無脾鬚

長而前足短尻有九孔趺居而顧首不顧尾趨捷善走舐雄毫而孕五月而吐子營穴必背立相通若以馬糲潤汗者塞口則須臾自出可以伺而取之其性最陰狡善營三窟然又易馴故人多畜以為玩好又云牝牡合十八日而即育極易繁衍又昆吾山出狡兔雄色黃雌色白能食丹右銅鐵背有吳主武庫兵器皆盡因穴得二兔一黃一白腹中腎膽皆鐵取以鑄劍切玉如泥或云兔壽可千歲至五百歲則色自白近日常州出一種白兔乃銀鼠也非數百年之

物又聞亳州吉祥寺有僧誦華嚴經忽一紫兔自來馴伏不去每日隨僧坐起如聽經狀惟食菊花日飲清泉而已其僧每呼以名道人則兔應聲而至亦異類之有覺者也

清西湖陳湜子秘傳花鏡

上古之世人民少而禽獸衆人民不勝禽獸蟲蛇有聖人作構木為巢以避群害而民悅之使王天下號曰有巢氏民食果蓏蚌蛤腥臊惡臭而傷害腹胃民多疾病有聖人作鑽燧取火以化腥臊而民說之使王天下號之曰燧人氏中古之世天十一大水而鯀禹

凌瀆近古之世桀紂暴亂而湯武征伐今有構木鑽燧於夏后氏之世者必為鯀禹笑矣有凌瀆於殷周之世者必為湯武笑矣然則今有美堯舜湯武禹之道於當今之世者必為新聖笑矣是以聖人不期修古不法常行論世之事因為之備宋人有耕田者田中有株兔走觸株折頸而死因釋其耒而守株冀復得兔兔不可復得而身為宋國笑今欲以先主之政治當世之民皆守株之類也

韓子

免抵毫望月而孕口中吐子舊有此說余目所未見

也

晉張華博物志

章絢云巴州兔作狸斑

唐臨淄段成式酉陽雜俎續集

物類志曰兔營穴必背丘相通若以馬糲有潤汗者塞口須臾自出可伺而取之虛舟子曰深山焚月經怕則免至後山談叢曰中秋无月則免不孕蚌不胎蕎麥不實世免皆雌惟月免雄故望月而孕後山謂月中真有免乎陰類相感乃其理耳木蘭詩有雄雌免二語可瞭然矣免吐子籠月下則失主物薄云免環轉腦隱形其臆異乎宋夫曰免有畜者牝牡合

十八日卽育清曉桐方氏此藏軒物理小識

山浮氏方桐曉清

毛屬 白兔

白兔

白兔

北魏孝文時，瀛州刺史王質獲白兔，嘗託高聰爲表，以獻。又太延元年，白兔見於渤海。又周世宗時，滄州有白兔見。今有白兔村。又永樂十六年，獻白兔於上。

河間府志

洪武五年八月，河南民獻白兔，命放之野。明勞堪憲
章類編此五百珍異，覽者皆賀。入秋，予得危病，然珍者自珍，病者自病，兩不相涉。古來國家符瑞，此人稱祥。迂人言災，然俱可

笑、武林黃汝亨
寓林清言

物之白者時有其種不必異也○顧遜園曰癸丑見京口徐氏白兔雪毛赤眼云得之天台洞中有猿鶴鵠穿山申蜈蚣皆白石埭金都閻家有白猿似習禪定者余家淮水飲虹橋河房有白鼠白物不必長季不必瑞自有此種顧公知之何又信天台洞之五白物耶崇禎初白兔自外舶來直百金後漸多甚賤姚有僕南海署中畜白兔每月生子亦非吐出時爲黃狸攫去今墨客揮犀言雀出殼時以蜜和飯飼之卽白

後漢方儲以孝致白兔金哀宗時邠州進白兔何古以為瑞而今白忽多邪清桐山方以智通雅

物之白者時有其種後漢方儲孝感白兔金哀宗時邠州進白兔葉隆禮遼志長白山在冷山東南山內禽獸皆白顧遜園見白兔白猿白鼠徐文長爲胡梅霖作進白鹿表以白爲瑞按墨客揮犀言雀出殼時以蜜和餅飼之卽白梁漸子曰賈胡言有藥合楮紙養數十年變白鹿者愚者曰崇禎初白兔自外舶來直百金後漸多愚見姚有僕養赤眼白兔月月生子

先廷尉墓山名白鹿起土人言往年見之若以靈丹餌物則又一理也

清晚桐方氏浮山此藏軒物理小識

或云兔壽可千歲至五百歲則色自白近自常州出

一種白兔乃銀鼠也非數百年之物

清西湖陳淏子秘傳花鏡

庶物類纂毛屬卷之十六目次

蝶 猴

獮猴

一名狙

列子 一名沐猴

史記

一名王孫

柳文集 一

名胡孫

格古論

一名馬畱

卷游錄

一名母猴

本草綱目 一

一名摩斯咤

同上

俗名索而

獮猴

獮猴味酸平無毒肉主諸風勞釀酒彌佳頭角主瘡瘍作湯治小兒則辟驚鬼魅寒熱手主小兒驚癇口噤屎主蜘蛛咬肉爲脯主久瘡皮主馬疫氣此物數種者都名禹屬取色黃尾長面赤者是人家養者肉及屎並不主病爲其食息雜違其本真也

政和本草

按班固白虎通云猴候也見人設食伏機則馮窩四望善于候者也猴好拭面如沐故謂之沐而後人訛沐爲母又訛母爲獮愈訛愈失矣說文云爲字象母

猴之形卽沐猴也非狹也猴形似胡人故曰胡孫莊子謂之狙養鳩者廄中畜之能辟馬病胡俗稱馬苗云梵書謂之摩斯咤本草綱目

猴處處深山有之狀似人眼如愁胡而頰陷有謙謙音歎藏食處也腹無脾以行消食尻無毛而尾短手足如人亦能墮行聲囁囁若歎孕五月而生子生子多浴于澗其性躁動害物畜之者使坐杖上鞭棓旬月乃馴也其類有數種小而尾短者猴也似猴而多鬚者康也似猴而大者玃也大而尾長赤自者禹也

小而尾長仰鼻者彘也似彘而大者果然也似彘而小者蒙頌也似彘而善躍越者獢也似猴而長臂者猿也似猿而金尾者狨也似猿而大能食猿猴者獨也不主病者並各以類附之同上

獮猴一名胡孫一名沐猴一名馬苗一名狙梵書名之曰摩斯咤李時珍曰按班固白虎通云猴者候也見人設食伏機則憑窩四望善於候者也猴好拭面如沐故謂之沐而後人訛沐爲毬又訛毬爲獮愈訛愈謬矣猴形似番人故曰胡孫莊子謂之狙養鳩者

廐中畜之能辟馬病故又稱馬廐云○李時珍曰猴處處深山有之狀似人眼如愁胡而頰陷有謙音歎藏食處也腹無脾以行消食尻無毛而尾短手足如入兩耳亦酷肖人者能堅行聲咯咯若歎孕五月而生子生子多浴于澗其性躁動害物畜之者使坐杖上鞭撻旬月乃馴也其類有數種小而尾短者猴也似猴而多鬚者猿也音據建平山中有之大如狗狀如猴黃黑色多鬚鬚好奮頭舉石擲入西山經云崇吾之山有獸焉狀如禹而長臂善投名曰舉父即此

也似猴而大者玃也音却老猴也生蜀西徼外山中似猴而大色蒼黑能人行善攬持人物又善顧盼故謂之玃純牡無牝故又名玃父善攝入婦女爲偶生子又神異經云西方有獸名玃大如驢狀如猴善緣木純牡無牡羣居要路執男子合之而孕此亦玃類而牝牡相反者大而尾長赤自者禹也小而尾長仰鼻者玃也似玃而大者果然也似玃而小者蒙煩也紫黑色出交趾畜以捕鼠勝于貓狸似玃而善跳躍者獮猢也黑身白腰如帶手有長毛白色似握版之

狀蜀

而甚捷在樹上歛然騰躍如飛也似猴而長臂者猿也善援引故謂之猿俗作猿非產川廣深山中似猴而長大其臂甚長能引氣故多壽臂骨作笛甚清亮其色有青白玄黃辨數種其性靜而仁慈好食果實其居多在林木能越數丈著地卽洩瀉死惟附子汁飲之可免其行多羣其鳴善啼一鳴三聲淒切入人肝脾廣人言猿初生毛黑雄者老則變黃潰去勢囊轉雄爲雌與黑者交而孕數百歲黃又變白也似猿而金尾者狨也似猿而大能食

猿猴者獨也其性喜獨一鳴卽止能食猿猴故諺曰獨一鳴而猿散獨夫之義蓋取諸此或云卽黃腰也

又見虎下明瀨湖李時珍食物本草

猱獮猴也楚人謂之沐猴老者爲玃長臂者爲猿猿之白腰者爲漸胡漸胡猿駿捷于猿猴其鳴噭噭而悲唐吳郡陸璣毛詩

悲草木鳥獸蟲魚疏

按爾雅云猱爰善援玃父善顧明是一種陸疏云老者爲玃則混爲二矣其類甚多曰猱曰爰曰狙曰猿曰猿曰猴曰猱曰狨曰沐猴曰母猴曰

獮胡曰獮，纓曰胡孫。曰王孫。因其形有大小，臂有短長，鳴有曉夜，色有青白玄黃，性有緩急，羣特故異其名，亦方言各異耳。若猱字說文作變，或作獮，又作猱，蓋古文不同，但段公路所謂鯢猿，則大怪矣。清海闊毛晋陸疏廣要

謹按陸疏廣要，又云段公路北戶錄言，有鯢猿絕大越處子論劍術，乃有老翁試之，相與周旋以竹林刺之，騰上爲援，故劍號曰猿翁。

優旃楊千度者，善弄胡孫於闕闈中，常飼養胡孫十

餘頭，會人言語，亦可取笑於一時。一日內廄胡孫絕走殿上閣，蜀主令人射之，不中。二日內壁奏，千度善弄胡孫，試令執之，遂詔千度謝恩。記胡孫十餘頭亦向殿上，又手并揖立，內廄胡孫亦舍上窺之。千度高聲唱言奉勑，把下舍上，胡孫來手下，胡孫一時上舍齊爭，把捉內廄胡孫立在殿前，蜀主大悅，賜千度優繩衫錢帛，收係教坊。有內臣因問胡孫何以教之，似會人言語，對曰：胡孫乃獸，實不會人言語。千度常餌之靈砂，變其獸心，然後可教。內臣深訝，所說其

事或有好事者知之多以靈砂飼胡孫鸚鵡大鼠等以教之

宋景煥野人間話

胡孫瀛州團練使李廷渥蒞邊郡日虞人獲子母胡孫爲天性其子甚小繫在馬院其子跳躍出院爲鴟所搏母號呼奮擲晝夜不絕一旦噉韋繩而逸之捕莫見忽之庖竊小脯置尾溝上潛身屋撩間俟鴟下攫跳而擒之遽閉雙目次除兩翅乃攜至廐舍剖其腹磔裂腸胃陳之于前哀號數聲以祭其子然後寸寸斷之肉皆折爲縷焉廐吏驚報廷渥覩而嘆息遂

令人送入山中噫天性之篤猶于人也教被于賢則慶愛生于心周旋而不失其正者厥惟上智乎橫目喧嘩識又愚下惑于遠而泥于近舍其本而存其末猜嫌于是起慈愛以絕之且藥脯之許黃臺之詩見聞而終弗悟者其心不如禽獸也悲夫

宋上官融友會談叢

漁溪云曩在筠州新昌縣嘗出遊歷將至五峯馬上遙見山中草木蠕蠕動疑爲地震馭者云滿山皆猴也數以千萬計行人獨過常遭戲虐每群呼跳浪而至攀緣頭自胸項手足衰成毛毬雖有立刃亦無所

施往往致死。夜宿民家，大為虎銜去。明日至寺，問山中有虎乎？曰無有。何以無？曰山中皆大林，虎安敢來。余曰：林木森森，虎所隱蔽，何為不來？曰：大木上多蟻鼠，虎過其下，鼠必鳴噪，自拔其毛投虎身，著處必蟲，則偏身瘡爛以至乎死。故畏不敢至。方悟宣城包氏畫虎，皆平原曠野茅葦叢薄中，亦有棘枝尋丈，未嘗作林木者，以此隋文帝云：譬之猛虎，人不能害，反爲毛間蟲，所蠹損，又可證也。宋龐元英談敷

昨日見泗州陳敦固道言：胡孫作人狀，折旋俯仰中。

度細觀之，其相侮慢也甚矣。人言弄胡孫，不知爲胡孫所弄。其言頗有理，故爲記之。又見淮東提舉董實言，見奉使高麗人言所致贈，作有假金銀錠，夷人皆折壞，使露胎素，使者甚不樂，或云非敢慢也。恐北虜有覘者，以爲真爾。由此觀之，高麗所得吾賜物，北虜蓋分之矣。而或者不察，謂北虜不知高麗朝我，或以爲異，特可使牽制北虜，豈不誤哉？今日又見三佛齊朝貢者過泗洲，官吏妓樂紛然郊外，而椎髻獸面睢盱船中，遂記。胡孫弄人語良有理，故并記之。續文忠公志林

謹按以爲真爾爾一本作耳三佛齊朝貢者朝一本作來

漁家以猢猻毛置之網四角則多得魚云魚見之如人之見錦繡也今有見人於江湖溪沼間垂釣布網者但至心默倒誦揭諦咒一七遍則可使終日無獲湘潭間有李道人常持此咒以濟物命後爲羣漁所仇乃越境而遁宋陳襄文昌雜錄

江南李後主煜性寬恕威令不素著神骨秀異駢齒一目有重瞳篤信佛法殆國勢危削自嘆曰天下無

周公仲尼君道不可行但著雜說百篇以見志十一月獵於青龍山一牝俎觸網於谷見王兩淚誓願搏膺屢指其腹主大怪戒虞人保以守之是夕果誕二子因感之還幸大理寺親錄囚係多所原貸二太辟婦以孕在獄產期滿則伏誅未幾亦誕二子煜感牝俎之事止流於遠吏議短之吳僧文瑩湘山野錄

李後主獵青龍山一牝俎觸網見王兩淚誓願屈指其腹主憫之戒虞人保守之是夕生二祖元周達觀誠齊雜記道州有舜祠凡遇正月初吉山俎羣聚於祠傍以千

百數跳踉奮擲狂奔疾超如是者五日而後去次復亦如之三日乃去土人謂之狙猿朝廟元仇達碑史

弘治末南昌艾公璞巡撫江南蘇州屬縣崇明申報本縣民家有鷄生卵而方者異而碎之中有二彌猴纏大如棗艾公以告巡江都御史長洲陳璣欲同奏於朝陳公曰妖異誠當以聞然其物怪甚度已不存矣萬一柄臣喜事者以詔旨何以進命艾公乃止吳用見其文移云長洲陸燦庚巳編

丞相胡惟庸畜胡孫十數衣冠如人有客至則令供

茶行酒能拜跪揖讓吹竹笛聲尤佳又能執朱戚舞蹠人稱之爲孫慧郎明劉王記劉公瘞編

杭州有猢猻能變化多藏試院及舊府內然余在之所嘗獨處累月意其必來或可叩以陰陽變化之理而杳不可得陳留謝肇淛五雜組

福清石竺山多猴千百為羣戚少保繼光勦倭時屯兵於此每教軍士放火器狙窺而習之乃命軍士捕數百善養之仍令習火器以為常比賊至伏兵山谷中而令羣狙閼其營賊不虞也少頃火器俱發霹靂

震地。賊大驚駭。伏發殲焉。昔鍼尹燧象。田單火牛。江
遁火雞。今戚公乃以火祖。智者相師。大約類此。同上
京師人有置狙於馬廄者。狙乘間輒跳上馬背。挾鼴
搦頸。鬻之不售。馬無如之何。一日復然。馬乃奮迅。斷
轡。載狙而行。狙意猶洋洋自得也。行過屋桁下。馬忽
奮鬣躍起。狙觸於桁。首碎而仆。觀者甚異之。余又見
一馬疾走。大隨而吠之。不置。常隔半步許。馬故緩行。
伺其近也。一蹄而斃。靈蟲之智固不凡於人矣。同上
置狙於馬廄。令馬不疫。西游記謂天帝封孫行者為

弼馬溫。蓋戲詞也。

同上

近年有皇華奉命來至蜀中。偶畜一子。母胡孫似有
靈恆。一日晴色照人。繫于庭樹。胡孫方玩其子。忽
有鶯飛下。搏去其子。止于舍上。對其母啄其腦。食其
髓。胡孫遙見。呼咷淚下。三日不食。哀鳴不已。人皆閔
之。且解其絆。胡孫徑于廚中。取肉一片。戴于頭上。往
中庭坐。似有所伺。逡巡。鶯果至。搏其肉。胡孫兩手捉
住。便捲孽其翅。急齧其腦。食其髓。衆人甚為快意。蜀景

間談煥牧堅

猴一物而五名。猴玃玃為禹。又有沐猴母猴之稱。母非牝也。沐音之轉耳。性躁動好殘毀物器。好象人所爲。生子輒墮入浴山澗中。三才圖會。

獮猴。猢猻處處山中有之。蜀西尤多。

清武林王遜藥性纂要

東圃曰。猴結。相傳蜀西多年猴穴中土內得之。產猴時血流地中。結而成塊。治難產者用二三錢研碎酒

調服下易產。

同上

猴。一名猢猻。一名馬畜。好拭面如沐。又謂之沐猴。面無毛似人。眼如愁。胡頰陷有廉。可以藏食。腹無脾以

行消食。尻無毛而尾亦短。手足與兩耳亦皆類乎人。可以堅行。聲咯咯若歎。孕五月而生子。喜浴於澗中。其性躁動害物。畜之者使索縛其脰。坐於杙上。鞭撯旬月自馴。養馬者多畜之廄中。任其跳躍。可辟馬病。丐者畜之。教以歌舞。舉動儀如優人。好事者多般訓練。使之應門。或對客送茶。以此駭觀。取樂。然雖養熟不可縱。其素來恐攫持人物。取氣又一種小而毛紫黑者出交趾。畜以捕鼠。勝於貓狸。頗有靈性能知人意。飼以生米果物。則不大。若飼之熟物。易大可厭。肯

唐昭宗有二弄猴能隨班起居昭宗賜以綯衣後朱溫篡位此猴望見朱溫忽跳躍奮擊以致見殺亦義獸也如病喂以蘿蔔清西湖陳淏子秘傳花

猴小兒近之傷志

衢州府志

猴詩謂之猱俗呼胡孫性躁而多智宋太曆中有猴數百集苦由杉林中里人欲伐木殺之中有二老猴飛下縱火燔林林近屋里人懼亟走救火猴遂得脫去

八閩通志

按徐師仁壺山集宣和間莆田尉向生所畜猴產

子乳字之勤甚每晝輒抱持升屋爲理毛去蟲屋前大榕羣鵠栖其上忽一鵠掣其子去母不勝悲生懼其傷也俾從者與遊市里幾以順適其意經屠門見大鬚机上逮攫之以還復踞屋置肉懷中爲抱兒狀前鵠復來陽若不省稍逼始與爭又偽不勝鵠益狎遂墮懷中肉鵠下取之則就擒焉裂其肌碎其骨扼吭嚼體而後已

同上

猴凡獸行走皆橫猿猴則或橫或豎蓋其稟氣近人故能曉解人事

邵武府志

猴相傳猴無脾故行以消食然王延壽賦儲糧食於兩頰稍委輸於胃脾卻是有脾性躁一名狙又名猱詩曰無教猱升木

汀州

府志

猴石竹山最多

福州

府志

猴一名狙一名王孫一名胡孫

泉州

府志

武夷山多獮猴其小者僅如拳

崇安志

○明朗陵

陳耀文天中記

宋有狙公者愛狙養之成群能解狙之意狙亦得公之心損其家口充狙之欲俄而匱焉將限其食恐衆狙之不斬於己也先誑之曰與若茅朝三而暮四足

乎衆狙皆起而怒俄而曰與若茅朝四而暮三足乎衆狙皆伏而喜物之以能鄙相籠皆猶此也聖人以智籠群愚亦猶狙公之以智籠衆狙也名實不虧使其喜怒哉

列子

謹按林希逸曰能鄙卽智愚也

狙公賦箋曰朝三而暮四衆狙皆怒曰然則朝四而暮三衆狙皆悅名實未虧而喜怒爲用亦因是也莊子

謹按翼註狙公養猿猱者也茅椽子也朝三暮四

朝三升暮四升也

吳主浮於江，登乎狙之山。衆狙見之，恂然棄而走逃。於深蓁有一狙焉，委蛇攫搔，見巧平王。王射之，敏給搏捷矣。王命相者趨射之，狙執死。王顧謂其友顏木疑曰：「之狙也，伐其巧，恃其便以教予，以至此殛也。戒之哉。嗟乎無以汝色驕人哉。」顏木疑歸而師董梧，以助其色。去樂辭顯，三十年而國人稱之。同上

夏雪蓑云：嘗見優人杜生彥明說向。自江西回至韶州，寓宿旅邸。邸先有客曰相公者居焉。刺繡衣服琢玉帽頂，而僅皮履。生惑其異，具酒肴延款。問以姓名履歷，

客具答甚悉。初不知其爲盜也。次日客酬讌，邀至其室。見柱上鎖一小猴，形神精狡。既而縱使周旋席間，忽番語遣之。俄捧一楪，至復番語。置之，卽易一碗。至生驚異，詢其故。客曰：「某有婢得子彌月而亡。時此猴生旬有五日，其母斃於獵犬，終日呻吟，可憐。因令此婢就乳之，及長成，遂能隨人指使，兼解番語耳。」生別後至清州，留吳同知處。忽報客有携一猴入城者。吳語生云：「此人乃江湖巨盜。凡至人家窺見房室路徑，并藏蓄所在，至夜使猴入內偷竊。彼則在外應接，吾

必奪此猴為人除害也。明日容謁吳。吳歎以飯需其
猴初甚拒。吳曰。否則就此斷其首。客不得已允許。吳
酬白金十兩。臨去。番語囑猴。適譯史聞得來告吳。曰。
客教猴云。汝若不飲不食。彼必解爾縛。可亟逃來。我
只在三十里外小寺中伺也。吳未之信。至晚試與之果。
核水食之類。皆不食。急使人覘之。此客果未行歸報。
引猴撻殺之。元南村陶宗輟畊錄

猿王孫居異山。德異性。不能相容。猿之德靜以恒。類
仁讓孝慈。居相愛。食相先。行有列。飲有序。不幸乖離。

則其鳴哀有難。則內其柔弱者。不踐稼蔬。木實未熟
相與視之謹。既熟。嘯呼羣萃。然後食。衍衍焉。山之小
草木必環而行。遂其植。故猿之居山恒鬱然。王孫之
德躁以噏。勃諍號呶。子仄伯夜二切 啬疆疆。雖羣不相善。
也食相噬齧。行無列。飲無序。乖離而不思。有難推其
柔弱者。以免好踐稼蔬。所過狼藉披攘。木實未熟。輒
乾齧投注。竊取人食。皆知自實。其嘯山之小草木必
凌挫折挽使之瘁。然後已。故王孫之居山恒蒿然。以
是猿羣衆。則逐王孫。王孫羣衆。則齧鋤革。援棄去。

終不與抗。然則物之甚可憎莫王孫若也。余棄山間久見其趣。如是作憎主孫。云湘水之悠兮其上羣山。胡茲鬱而彼瘁。兮善惡異居。其間惡者王孫兮善者後環行遂殖兮止暴殘。王孫兮甚可憎。噫山之靈兮。胡不賊旃。跳踉呴嚙兮衡自宣斷。魚巾外以敗物兮。內以爭羣。排闥善類兮譁駭披紛。盜取民食兮私已。不分充兼果腹兮驕傲驩欣。嘉華美木兮碩而繁。羣披競齒兮枯株根毀成敗實兮更怒喧。居民獸苦兮號穹旻。王孫兮甚可憎。噫山之靈兮胡獨不聞。援之

仁兮受逐。不校退優游兮惟德是儼。廉來同兮聖囚。禹稷含兮凶誅。羣小遂兮君子違。大人聚兮孽無餘。善與惡不同鄉兮否康既兆。其盈虛伊細大之同然兮乃禍福之攸超。王孫兮甚可憎。噫山之靈兮胡逸而居。憎王孫文并序。

唐柳柳州文集

護軍張劭母病篤。智筮之使西出市沐猴。繁母臂令傍人追拍。恒使作聲。三日放去。劭從之。其猴出門。卽爲犬所。昨死。母病遂差。晉干寶搜神記

謹按。搜神記淳于智字叔平。濟北廬人也。性深沉

有思義少爲書生能易筮善獻勝之術高平劉柔夜卧鼠齧其左手中指意甚惡之以問智智爲筮之曰鼠本欲殺君而不能當爲使其反死乃以朱書羊腕橫文後三寸爲田字可方一寸二分使夜露羊以臥有大鼠伏死於前

晉太元中丁零王翟昭後宮養一獮猴在妓女房前前後妓女同時懷姪各產子三頭出便跳躍昭方知是猴所爲乃殺猴及子妓女同時號哭昭問之云初見一年少著黃練單衣白紗甚可愛笑語如人

晉陶

晉太元末徐寂之嘗野行見二女子操荷舉羊麾寂之寂之悅而延住此後來往如舊寂之便患瘦瘠時或言見華房深宇芳茵廣筵寂之與女觴餚宴樂數年其弟辟之聞屋內羣語潛往窺之見數女子從後戶出惟餘一者隱在邊辟之逕入寂之怒曰今方歡樂何故唐突忽復共言云中有人辟之卽發看有一牝猴遂殺之寂之病遂瘥

宋劉敬叔異苑

馮嗣宗曰按猱字說文作猱今文作猱或作磼又作

蠻猿屬陸璣云獮猴也嚴粲云卽王孫也據元康地記云猿與獮猴不共山宿與柳子厚說援王孫居異山相符王延壽云儲食兩頰爾雅翼釋猴亦有此說而師古及陸羅二氏俱以獮猴爲異物故埤雅以獮為狨而別見猴今吳俗指猴爲猿亦謂之胡孫既已混甚都不聞獮與王孫之名未知異同明大倉顧夢麟詩經說約庚申帝幼年遠貶南服舟汜清江忽有二老猴登舟獻巢而拜及去使人尾之至山洞中群猴凡四五百命近寺僧每日設飯飼之及癸酉還都登極群猴

復相率拜送餘猴數百皆去忽其中大猴卒死者三十六枚當時皆憫然莫知所以蓋申宵猴迎拜見祥也送死示孽也庚申帝旣貶而得國在位凡三十六年而亡國蓋天示之象也在昔唐明皇酉生宵鷄明皇好鬪鷄兵爭象也其後卒有祿山之亂明枯蒼葉子奇草木

蜋

一名果然

本草拾遺

一名禺

音遇○本草綱目

一名犴

音又唐國史補

或作貌貌

一名仙猴

同上

一名裸然

唐國史補

一名

岐尾獸

天台山方外志

蜋

蜋印鼻而長尾

爾雅○
蜋音誅

蜋似獮猴而大黃黑色尾長數尺似獮尾末有歧鼻
露向上雨節自縣於樹以尾塞鼻或以兩指江東人

亦取養之為物捷健

晉郭璞
爾雅註

蜋亦猴類之獸鼻印而長大山海經曰商山多猿蜋
是也

宋邢昺
爾雅疏

果然肉味鹹無毒主瘧瘴寘熟煮食之亦坐其皮為
襦似猿人面毛如蒼鴨肋邊堪作襦南州異物志云

交州有果然獸其名自呼如猿白質黑文尾長過其頭鼻孔向天兩以尾塞鼻孔毛溫而細爾雅雖仰鼻而長尾郭注與此相似也

本草拾遺

郭璞云果然自呼其名羅願云人捕其一則舉群啼而相赴雖殺之不去也謂之果然以來之可必也大者為然為禹小者為犴為蜋南人名仙猴俗作裸然

本草綱目

果然仁獸也出西南諸山中居樹上狀如猿白面黑頰多鬚而毛采斑斕尾長于身其末有歧雨則以歧

塞鼻也喜群行老者前少者后食相讓居相愛生相聚死相赴柳子所謂仁讓孝慈者是也古者畫蜋為宗彝亦取其孝讓而有智也或言猶預之猶卽犴也其性多疑見人則登樹上下不一甚至奔觸破頭折脰故人以比心疑不決者而俗呼騃愚為癡獮也上同果然一名禹一名犴一名蜋果然自呼其名人捕其一則舉羣啼而相赴雖殺之不去也謂之果然以來之可必也大者為然為禹小者為犴為蜋案南州異物志云交州有果然獸其名自呼狀大於猿其體不

過三尺而尾長過頭。鼻孔向天。雨則挂木上。以尾塞鼻孔。其毛長柔細滑。白質黑文。如蒼鴨腸。邊斑毛之狀。集之為裘。裨甚溫煖。○李時珍曰。果然仁獸也。出西南諸山中。居樹上。狀如猿。白面黑頰。多鬚而毛采斑瀾。尾長於身。其末有歧。雨則以歧塞鼻也。喜羣行。老者前。少者后。食相讓。居相愛。生相聚。死相赴。柳子所謂仁讓孝慈者是也。古者畫雖為宗彝。亦取其倫理之義也。其性多疑。見人則登樹。上下不一。甚至奔觸。破頭折脰。故人以比心疑不決者。而俗呼驛愚。為

癡獮也。

明瀕湖李時珍食物本草

劍南人之采獮然者。獲一獮然。則數十獮然可盡。得矣。何哉。其獮然性仁。不忍傷類。見被獲者。聚族而啼。雖殺之終不去也。噫。此乃獸之狀人之心也。樂羊食其子。史羊殺其甥。則人之狀獸之心也。

唐李肇唐國史補

果然獸似獮猴。以名自呼。色蒼黑。群行。老者在前。少者在後。得果食。輒與老者。似有義焉。交趾諸山有之。獠人射之。以其毛為裘。裨甚溫煖。

山經。明朗陵陳耀文天中記

交趾以南。有果然獸。其鳴自呼。身如猿。齒通身白。

色其體不過三尺而尾長四尺餘及尾度身過其頭視其鼻仍見兩孔仰向天其毛長柔細滑澤色以白為質黑為文視如蒼頭鴨腸邊斑文集十餘皮可得一褥繁文麗好細厚溫煖南列異物志○同上

裸然段氏蜀記出戎州蠻界其皮褐碧三色相間

明吳興慎懋官
華夷鳥獸續考

有獸名裸然似猴而差大行則大者前小者後有爲射中者則生者拔死者箭自刺而死可謂仁義之獸

見夷堅續志○同上

岐尾獸傳弘業宰天台有父獵得一物如豕仰鼻長尾有岐謂之恠傳識之曰雖非恠天雨則懸於樹以尾塞其鼻後驗之見葆光志天台山方外志

廣
物
類
纂

卷
一



